



DEMOKRATSKA FRONTA

Bosna i Hercegovina-Federacija Bosne i Hercegovine

Kanton Sarajevo - GRAD SARAJEVO

GRADSKO VJEĆE

PRIMLJENO:	07 JUL 2021	
Org. jed.	Prilog	Vrijednost
01-GV-02	758	/21

Grad Sarajevo

Gradsko vijeće Grada Sarajeva

Predsjedavajući, Jasmin Ademović n/r

Gradonačelnica, Benjamina Karić rođ Londrc n/r

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09) ovim putem podnosim **vijećničku inicijativu** za koju tražim da mi se dostavi odgovor u roku definisanom članom 27. stav (3) Statuta Grad Sarajeva:

Pokrenuti aktivnosti po pitanju obnove i rekonstrukcije fasade Narodnog pozorišta u saradnji sa svim nadležnim nivoima vlasti

Obrazloženje:

Kao jedna od najvažnijih kulturnih i umjetničkih institucija Narodno pozorište zauzima posebno mjesto u kulturnom nasljeđu Bosne i Hercegovine. Narodno pozorište Sarajevo je zbog svojih kulturno historijskih, arhitektonskih, umjetničkih i estetskih vrijednosti proglašena nacionalnim spomenikom BiH.

Danas zgrada Pozorišta izgleda zapušteno. Fasada je izgubila estecku funkciju i predstavlja opasnost za uposlenike i građane uslijed otpadanja elemenata fasade.

Fasada Narodnog pozorišta je glavno lice zgrade, ali i lice našeg odnosa prema kulturi i nasljeđu.

Svojom namjerom pokretanja inicijative za obnovom i rekonstrukcijom fasade pokažimo da smo tijelo vlasti koje želi vidjeti drugačiju sliku Grada Sarajeva i BiH. S tim u vezi pozivam Gradsko vijeće da podrži ovu inicijativu, a poštovanu gradonačelnici Karić pozivam da u saradnji sa KS, Općinom Centar, Komisijom za očuvanje nacionalnih spomenika, Zavodom za zaštitu kulturnog i prirodnog naslijeđa Kantona Sarajevo i Vladom Federacije BiH pristupi pokretanju aktivnosti po pitanju obnove fasade Narodnog pozorišta. U godini velikog jubileja 100 godina postojanja Narodnog pozorišta donesimo zajedno pozitivne pomake u oblasti kulture i umjetnosti !!!

Sarajevo, 05.07.2021

Marijela Hašimbegović dia
vijećnica Demokratske fronte



DEMOKRATSKA FRONTA

Bošna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO Vijeće

PRIMLJENO:		07 JUL 2021	
Org. jed.	Broj	Pričas	Uradnictvo
	01-65-02-763	/	21

Grad Sarajevo
Gradsko vijeće Grada Sarajeva
Predsjedavajući, Jasmin Ademović n/r
Gradonačelnica, Benjamina Karić rođ Londrc n/r

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09) ovim putem podnosim **vijećničku inicijativu** za koju tražim izjašnjenje **Gradskog vijeća**:

Inicijativa za zajedničko djelovanje po pitanju podnošenja zahtjeva prema Kantonu radi izmjena Uredbe o obimu, uslovima, i načinu ostvarivanja prava osiguranih lica Kantona Sarajevo na medicinska sredstva

Obrazloženje:

U Kantonu Sarajevo primjenjuje se Uredba o obimu, uslovima, i načinu ostvarivanja prava osiguranih lica Kantona Sarajevo na medicinska sredstva („Službene novine KS“, broj 22/20), kojom je u članu 48. utvrđeno pravo osiguranom licu ženskog pola, kome je izvršena amputacija dojke, na (a) funkcionalnu protezu po dojci silikonska; (b) specijalni grudnjak uz protezu dojke (tekstilni). Navedenom Uredbom utvrđena je i lista kojom je, između ostalog propisan rok korištenja medicinskog sredstva, a za navedena sredstva je određen rok trajanja od 18 mjeseci.

Ovo u praksi znači da žena, oboljela od karcinoma, sa amputiranom dojkom ima pravo na 1 silikonsku protezu i 2 grudnjaka svakih godinu i po dana.

Imajući u vidu da su oba pomagala u svakodnevnoj upotrebi, te se mnogo brže troše i habaju, teško je zamisliti da 2 tekstilna, specijalna (koji ni po čemu nisu specijalni osim što imaju džepove za protezu) grudnjaka mogu trajati 18 mjeseci, kao i da silikonska proteza neće izgubiti svoj originalni oblik za to vrijeme, smatram da je navedenu Uredbu potrebno izmijeniti tako da se skrate rokovi korištenja tih pomagala, pa tako za silikonsku protezu rok trajanja treba da bude najduže 12 mjeseci, a za grudnjake najduže 6 mjeseci (npr. u R Hrvatskoj pravo na silikonsku dojku stiče se svake godine i utvrđeno je pravo na 2 grudnjaka godišnje).

Obzirom da Grad Sarajevo pruža podršku Udruženju Think Pink i manifestaciji Trka/šetnja za ozdravljenje – Race for the Cure 2021“, ova inicijativa takođe predstavljala vid podrške pomoći ženama oboljelim i liječenim od karcinoma dojke, kao i težnju ka podizanju svijesti o ovoj bolesti i tjelesnom oštećenju žena koje se bore s tom bolešću.

Molim Gradsko vijeće Grada Sarajeva da podrži ovu inicijativu, te da je kao zajedničku uputimo Vladi Kantona Sarajevo, kao donosiocu nevedene Uredbe, a kako bismo dali svoj doprinos olakšavanju svakodnevnog života naših sugrađanki oboljelih od teške bolesti i iskazujući na ovaj način solidarnosti i brigu o njima.

Sarajevo, 05.07.2021

Marijela Hašimbegović dia
vijećnica Demokratske fronte